



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 671, Datë 24.12.2019

“Mbi autorizimin e përqendrimit të realizuar nëpërmjet përfimit të kontrollit të tërthortë nga shoqëria EXOR N.V tek GEDI Grupoo Editoriale S.p.A.”

Komisioni i Konkurrencës me pjesëmarrjen e:

Znj. Juliana LATIFI	Kryetar
Z. Eduard YPI	Zv/Kryetar
Znj. Leida MATJA	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 24.12.2019, shqyrtoi çështjen me:

Objekti: Autorizimi i përqendrimit të realizuar nëpërmjet përfimit të kontrollit të tërthortë nga shoqëria EXOR N.V tek GEDI Grupoo Editoriale S.p.A.

Baza Ligjore: Ligji Nr. 9121, datë 28.07.2003 “Për Mbrojtjen e Konkurrencës”, i ndryshuar, nenet 2, 10-12, neni 24, germa d, dhe nenet 53-64. Rregullorja “Për zbatimin e procedurave të përqendrimit të ndërmarrjeve”, Udhëzimi “Për formën e njoftimit të përqendrimit”, Udhëzimi “Mbi procedurat e thjeshtuara për trajtimin e disa përqendrimeve.” dhe formulari i njoftimit të përqendrimit.

Komisioni i Konkurrencës, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve, mbi njoftimin e përqendrimit të realizuar nëpërmjet përfimit të kontrollit të tërthortë nga shoqëria EXOR N.V tek GEDI Grupoo Editoriale S.p.A

VËREN SE :

Transaksioni dhe përqendrimi

Pranë Autoritetit të Konkurrencës, është depozituar njoftimi lidhur me përfimin e kontrollit të vetëm të tërthortë nga shoqëria EXOR N.V të GEDI Grupoo Editoriale S.p.A

Pala blerëse: EXOR N.V është një shoqëri me seli ligjore në Amsterdam, Hollandë me aksione të kuotuar në Mercato Telematico Azionario, organizuar dhe administruar nga Borsa Italiana S.p.A.

EXOR N.V. i përket shoqërive të Grupit EXOR ("Grupi EXOR"). Aktiviteti i Grupit konsiston në investime afat-gjata me një fokus në shoqëritë aktive globale në sektorë të ndryshëm, kryesisht në Europë dhe në SHBA. EXOR nuk ka ndonjë filial të themeluar në Shqipëri dhe xhiron e realizon nëpërmjet shitjeve të mjeteve Fiat Chrysler Automobiles (FCA), pjesë e Grupi EXOR

Pala shitëse: CIR- Compagnie Industriali Riunite S.p.A me seli ligjore në Milano, me aksione të kuotuar në Mercato Telematico Azionario, organizuar dhe administruar nga Borsa Italiana S.p.A.

Shoqëria Target: GEDI Gruppo Editoriale S.p.A. është një shoqëri e themeluar sipas legjislacionit Italian, me aksione të kuotuar në Mercato telematico Azionario, organizuar dhe administruar nga Borsa Italiana S.p.A., segmenti STAR(segmenti për titujt me kërkesë të lartë në fushën e transparencës së informacionit, të likuiditetit dhe qeverisjes së korporatave). GEDI, drejtpërdrejt dhe nëpërmjet filialeve të saj, është aktive në sektorin e medias kryesisht në Itali, në sektorët e botimit, komunikimit dixhital, të radios dhe televizionit.

Grupi GEDI nuk ka filial të themeluar në Shqipëri. Ai realizoi një xhiro të papërfillshme në Shqipëri në 2018 nga shitja e gazetave të botuara nga GEDI tek konsumatorët (individët) që gjenden në Shqipëri.

Vlerësimi i përqendrimit

Më datë 02 Dhjetor 2019, është paraqitur propozimi kontraktual dhe është nënshkruar "Kontratë Shitje Aksionesh", midis palës blerëse EXOR N.V, dhe palës shitëse CIR- Compagnie Industriali Riunite S.p.A.,

Transaksioni ka të bëjë me blerjen nga EXOR N.V, nëpërmjet një shoqërie të caktuar, të veçantë dhe të zotëruar tërësisht ("Shoqëria Tenderuese"), të 43.78% të aksioneve të shoqërisë GEDI Gruppo Editoriale S.p.A., të zotëruara nga shoqëria Compagnie Industria li Riunite S.p.A., Itali ("CIR").

Aktualisht EXOR N.V zotëron një sasi aksionesh në minorancë tek GEDI Gruppo Editoriale S.p.A., e barabarte me 5.99 % të zotërimit të tij aksionar si rezultat i një transaksioni të mëparshëm të kryer në vitin 2017. Pas transaksionit, duke pasur parasysh se GEDI Gruppo Editoriale S.p.A., zotëron aksione thesari të barabartë me 4.30% të kapitalit të aksioneve të emetuara, EXOR N.V do të zotërojë në total 52.01% të të drejtave votuese dhe do të jetë e aftë të ushtrojë e vetme kontrollin mbi shoqërinë GEDI Gruppo Editoriale S.p.A.,

Transaksioni do të mundësojë që EXOR të zgjerojë praninë e tij në sektorin e medias dhe të botimit (kryesisht në Itali), ku aktualisht EXOR është i pranishëm, vetëm si një investitor financiar, nëpërmjet pjesës aksionare minorance (jo-kontrolluese) tek GEDI dhe tek The Economist.

Transaksioni plotëson kriteret e përcaktuara në nenin 10 dhe 12 të ligjit nr. 9121, datë 28.07.2003 "Për Mbrojtjen e Konkurrencës", i ndryshuar dhe si i tillë kërkohet autorizimi nga Komisioni i Konkurrencës.

Referuar nenit 3, pika 7, të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar, Udhëzimit Nr.76, datë 07.04.2008 “Për përcaktimin e tregut përkatës” si dhe duke marrë në konsideratë natyrën e transaksionin dhe praktikat më të mira të Komisionit Evropian në çështje të ngjashme, tregu përkatës i produktit është lënë i hapur dhe përkatës gjeografik do të konsiderohet territori i Republikës së Shqipërisë.

Transaksioni i propozuar është përfundimi i kontrollit të tërthortë i GEDI Gruppo Editoriale S.p.A. nga EXOR N.V. i cili klasifikohet si një transaksion konglomerat ku palët pjesëmarrëse operojnë në tregje të ndryshme, Asnjë nga palët nuk zotëron degë apo filial në Shqipëri dhe përqendrimi nuk do të krijojë mbivendosje ose marrëdhënie të rrjedhës së sipërme apo të poshtme midis aktiviteteve të palëve në nivel kombëtar. Transaksioni i synuar nuk do të sjellë asnjë ndryshim në tregun shqiptar.

PËR KËTO ARSYE:

Komisioni i Konkurrencës, në bazë të nenit 24, shkronja d dhe nenit 56 pika 1 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar,

VENDOSI:

1. Të autorizojë përqendrimin e realizuar nëpërmjet përfundimit të kontrollit të tërthortë nga shoqëria EXOR N.V tek GEDI Grupoo Editoriale S.p.A.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

KOMISIONI I KONKURRENCËS